



**LLWYDDO'N  
LLEOL 2050**

## ARFOR - Llwyddo'n Lleol 2050

### Sut wyt ti am godi proffil y Gymraeg yn Sir Gâr?

Mae gan Llwyddo'n Lleol 2050 gyfle arbennig i 12 person ymuno â rhaglen hyfforddiant 6 wythnos. Bwriad y rhaglen fydd hybu'r Gymraeg yn Sir Gâr, gan gefnogi syniadau all wneud yr iaith yn fwy clywadwy a/neu weladwy yn yr ardal.

Bydd ymgeiswyr llwyddiannus yn derbyn sesiynau wythnosol yng nghwmni arbenigwyr yn canolbwyntio ar agweddau gwahanol o fewn ymateb i'r her o godi proffil y Gymraeg yn yr ardal, gan gynnwys sesiynau ar ddefnyddio data, cyllido'r fenter, a sut i farchnata'n effeithiol.

Mae'r rhaglen hon yn gyfle gwych i gyfarfod â phobl ifanc eraill sy'n ymddiddori yn yr iaith, ac yn ogystal â derbyn cefnogaeth arbenigol, ar ddiwedd y rhaglen, bydd cyfle i'r ymgeiswyr llwyddiannus dderbyn cymorth ariannol gan ARFOR – Llwyddo'n Lleol 2050 er mwyn datblygu eu syniad.

#### Gall enghreifftiau o syniadau cymwys gynnwys:

- Cynnal cyfres o ddigwyddiadau trwy gyfrwng y Gymraeg.
- Cynnal cyfres o weithdai trwy gyfrwng y Gymraeg.
- Adnewyddu arwyddion ffyrdd Cymraeg.
- Sefydlu clwb neu gymdeithas sy'n gweithredu trwy gyfrwng y Gymraeg.

Am ragor o wybodaeth cysylltwch â [llwyddonlleol@rhaglenarfor.cymru](mailto:llwyddonlleol@rhaglenarfor.cymru).

### CEFNDIR ARFOR

Ceredigion, Gwynedd, Sir Gâr ac Ynys Môn yw'r siroedd gyda'r ganran uchaf o siaradwyr Cymraeg ond mae'r nifer wedi bod yn gostwng ers amser maith. Mae cynyddu'r nifer o siaradwyr Cymraeg yn nod allweddol i Lywodraeth Cymru drwy'r Cynllun Miliwn o Siaradwyr Cymraeg 2050. Mae Ceredigion, Gwynedd, Sir Gâr ac Ynys Môn hefyd yn siroedd sydd gyda heriau economaidd gan eu bod yn siroedd gwledig gyda chyflogau isel.

Clustnodwyd £11 miliwn gan Lywodraeth Cymru ar gyfer cyfnod 2022/2023 i -2024/25 i ganiatáu'r pedair sir i gydweithio a chreu ymyraethau i sicrhau ffyniant economi Gorllewin Cymru ac i arbrofi a threalu cynlluniau i'r perwyl.





Mae ARFOR felly yn rhaglen ar y cyd gan Gyngorau Sir Gâr, Ceredigion, Gwynedd ac Ynys Môn sy'n edrych i ddefnyddio mentergarwch a datblygu'r economi i gefnogi cadarnleoedd y Gymraeg a, thrwy hynny, cynnal yr iaith.

O dan Raglen ARFOR mae yna nifer o gronfeydd sy'n cynnig grantiau ariannol i fusnesau ac unigolion megis Cronfa Her ARFOR a'r Gronfa Gefnogaeth Cymunedau Mentrus.

Am fwy o wybodaeth am yr uchod a rhaglen ARFOR gweler:  
[www.rhaglenarfor.cymru](http://www.rhaglenarfor.cymru)

## CEFNDIR LLWYDDO'N LLEOL 2050

Un o brosiectau Rhaglen ARFOR yw Llwyddo'n Lleol 2050. Gydag allfudo teuluoedd a phobl ifanc yn cael ei gydnabod fel un o'r prif resymau am ddirywiad yn nifer y siaradwyr Cymraeg yn y cadarnleoedd, nod Llwyddo'n Lleol 2050 yw darbwyllio pobl ifanc a theuluoedd ifanc, sydd mewn peryg o adael neu sydd eisoes wedi ymadael bod modd cael dyfodol disglair, gyda swydd dda o fewn maes cyffrous yn eu cymuned gynhenid.

### Mae yna bedair elfen i brosiect Llwyddo'n Lleol 2050:

1. Elfen Gyrfaol
2. Elfen Mentro
3. Elfen Ymgartrefu
4. Elfen Profi

## CANLLAWIAU:

### Pwy sy'n gymwys i ymgeisio am y rhaglen hon?

- Unigolion rhwng 16 a 35 oed.
- Unigolion sy'n byw yn Sir Gâr, neu sy'n wreiddiol o Sir Gâr ac yn bwriadu dychwelyd i'r Sir yn fuan. Bydd yn ofynnol i unrhyw ymgeiswyr llwyddiannus sicrhau bod eu syniad yn cael ei weithredu o fewn Sir Gâr.
- Grwpiau sy'n gweithredu trwy gyfrwng y Gymraeg yn Sir Gâr.
- Unigolion sy'n gallu siarad Cymraeg, neu sydd wedi ymrwymo i ddysgu a defnyddio'r iaith.
- Unigolion sydd â syniad, a sy'n barod i ymrwymo i chwech sesiwn dros gyfnod o chwech wythnos gyda chriw o bobol o'r un meddylfryd.





**LLWYDDO'N  
LLEOL 2050**

## **Pa fath o syniad/fusnes?**

- Nid oes cyfyngiad ar y math o syniad y gellir ei gynnig ar gyfer y rhaglen hon, ac felly mae unrhyw syniad fyddai'n codi proffil y Gymraeg yn Sir Gâr yn gymwys i fod dan ystyriaeth ar gyfer y rhaglen hon.
- Gall enghreifftiau o syniadau cymwys gynnwys cynnal cyfres o ddigwyddiadau trwy gyfrwng y Gymraeg, sefydlu clwb neu gymdeithas sy'n gweithredu drwy gyfrwng y Gymraeg, neu adnewyddu arwyddion ffyrdd cyfrwng Cymraeg.
- Rhaid i'r syniad/busnes gael ei redeg yn bennaf drwy'r Gymraeg, neu o leiaf yn rhoi pwyslais/platfform cwbl gyfartal i'r Gymraeg a'r Saesneg.

## **TELERAU'R GEFNOGAETH:**

### **Beth sy'n ofynnol o'r unigolyn?**

- Mae disgwyl ymrwymiad llawn gan aelodau'r rhaglen i fynychu a chyfrannu i bob un o sesiynau'r rhaglen.
- Disgwylir i bob unigolyn gwblhau unrhyw dasgau a osodir yn wythnosol gan gynnwys y sesiwn olaf lle gofynnir i unigolion gyflwyno eu syniad o flaen panel.
- Disgwylir i bob unigolyn ymrwmo i fod yn llysgenhadon i Llwyddo'n Lleol 2050 drwy fod yn rhan o glipiau fideo, podlediadau, astudiaethau achos ayyb.
- Yn ogystal â mynychu'r sesiynau bydd yna ofyniad i chi gyfrannu at ymgyrch ddigidol Llwyddo'n Lleol drwy rannu eich profiadau ar gamera wrth i'r hyfforddiant fynd rhagddi. Bydd y gwaith cyfweld a ffilmio yn cael ei wneud gan griw Cyfathrebu Llwyddo'n Lleol yn ystod cyfnod y sesiynau. Mi fydd y cynnwys yn cael ei rannu ar blatfformau digidol Llwyddo'n Lleol:
  - Instagram - @llwyddonlleol
  - Facebook - Llwyddo'n Lleol 2050
  - LinkedIn - Arfor - Llwyddo'n Lleol
  - Twitter - @LleolN

**Ar ddiwedd y rhaglen, bydd pob ymgeisydd llwyddiannus yn derbyn isafswm o £300 er mwyn datblygu eu syniad, ar yr amod eu bod wedi cyfarfod â'r gofynion uchod dros gyfnod y rhaglen.**

Mi fydd yn ofynnol i ymgeiswyr llwyddiannus i arwyddo cytundeb yn ymrwmo i'r gofynion a'r telerau uchod cyn cychwyn ar y rhaglen hyfforddiant busnes.

Mae'r prosiect yn cael ei weinyddu gan Menter Môn a Menter a Busnes ac mae gan y gweinyddwyr yr hawl i ddal taliadau yn ôl, i beidio rhoi taliad llawn ac i fynnu ad-daliad os nad ydych fel cyfranogwr yn cwrdd â'r gofynion a'r telerau uchod.





Cynhelir sesiynau'r rhaglen hon drwy gyfuniad o sesiynau rhithiol a sesiynau wyneb yn wyneb. **Bwriedir cynnal sesiynau'r rhaglen hon ar y dyddiadau canlynol: Ebrill 16eg, Ebrill 23ain, Ebrill 30ain, Mai 7fed, Mai 14eg a Mai'r 21ain** (noder fe all y dyddiadau hyn newid ychydig).

### Dyddiadau allweddol:

Mi fydd y ffenest ymgeisio yn agored rhwng y 23ain o Chwefror a'r 17eg o Fawrth. Dylid dychwelyd unrhyw ffurflen gais a clip fideo erbyn 23:59yh ar yr 17eg o Fawrth.

### Sut i ymgeisio?

- I ymgeisio llenwch y Ffurflen Gais [yma](#).
- Noder, ar ddiwedd y Ffurflen Gais, mae'n ofynnol i bob ymgeisydd i gyflwyno fideo byr. Yn y fideo hwn, gofynnir i bob ymgeisydd gyflwyno eu hunain a'u cefndir a rhoi rhyw fath o fraslun o'ch syniad a'r hyn yr ydych yn gobeithio ei gael allan o'r rhaglen ARFOR - Llwyddo'n Lleol 2050.
- Ni ddylai'r fideo fod yn fwy na 5 munud. Fe'ch anogir i recordio'r fideo cyn dechrau ar y broses o lenwi'r Ffurflen Gais. Noder y bydd ceisiadau a gyflwynir heb glip fideo yn cael ei drin fel 'cais anghyflawn' ac felly ni fyddant yn cael ei sgorio a'u hystyried.
- Mi fydd angen danfon y clip fideo at [llwyddonlleol@rhaglenarfor.cymru](mailto:llwyddonlleol@rhaglenarfor.cymru) ac os ydych yn cael anhawster yn danfon y fideo mae modd defnyddio rhaglenni megis WeTransfer
- Os fydd eich cais yn llwyddiannus noder y bydd modd i Llwyddo'n Lleol ddefnyddio eich clip fideo ar eu platfformau cyfryngau cymdeithasol.

### Sgorio:

- Yn dilyn y dyddiad cau mi fydd yna banel o swyddogion yn cwrdd i sgorio'r ceisiadau ac yn eich hysbysu os ydych wedi bod yn llwyddiannus ai peidio.

**Am ragor o wybodaeth neu os oes gennych unrhyw gwestiynau cysylltwch â [llwyddonlleol@rhaglenarfor.cymru](mailto:llwyddonlleol@rhaglenarfor.cymru)**

